

Post oscailte

Oifigeach Cuairteoirí agus Slándála

Oifigeach Cléireachais, Post Buan, Lánaimseartha

—

Páirc Thurlaigh, Co. Mhaigh Eo

Dáta Deiridh le haghaidh Iarratais
Dé hAoine 24 Deireadh Fómhair 2025

...

Ní mór iarratais a bheith faighte tráth nach déanaí ná 17:00. Ní ghlacfar le foirmeacha iarratais déanacha. Cloífeá leis an dáta agus an t-am go dían, agus dá bhrí sin, tá an fhreagracht ar an iarrthóir a chinntiú go bhfaightear an t-iarratas roimh an spriocdháta.

Tá **Ard-Mhúsaem na hÉireann (NMI)** ag lorg iarratas ó iarrthóirí oiriúnacha chun an post mar Oifigeach Cuairteoirí agus Slándála (Leibhéal Oifigigh Chléireachais) a líonadh in Ard-Mhúsaem na hÉireann, Páirc Thurlaigh, Co. Mhaigh Eo. Is post Lánaimseartha, Buan é seo. Líonfar an post seo trí agallaimh oscailte iomaíochta a dhéanamh.

Teideal an Phoist

Oifigeach Cuairteoirí agus Slándála (VSO) (Leibhéal Oifigigh Chléireachais).

Suíomh

Beidh an sealbhóir poist lonnaithe in Ard-Mhúsaem na hÉireann, Páirc Thurlaigh, Co. Mhaigh Eo nó in aon suíomh eile de chuid Ard-Mhúsaem na hÉireann de réir mar a ainmneofar ó am go chéile ag an Stiúrthóir chun dualgais a chur i gcrích. D'fheadfadh sé a bheith riachtanach don Oifigeach Cuairteoirí agus Slándála taisteal go láithreáin ar bith de chuid an Mhúsaem.

Ag obair faoi

Beidh an t-iarrthóir a n-éireoidh leis nó léi ag obair faoin Oifigeach Saoráidí (Fáilteachas).

Cuspóir an Phoist:

Chun an tseirbhís laethúil a sholáthar do chuairteoirí agus chun seirbhísí sláinte agus sábháilteachta agus slándála a chur ar fáil ag Ard-Mhúsaem na hÉireann, Páirc Thurlaigh, Co. Mhaigh Eo.

Dualgais agus Freagrachtaí

Ginearálta

Oibreoidh an sealbhóir poist mar chuid d'fhoireann na nOifigeach Cuairteoirí agus Slándála. Oibríonn foireann an Oifigigh Cuairteoirí agus Slándála i gcomhar leis na foirne Glantacháin, Slándála, Miondiola, Oideachais, Tráchtála agus Bailiúchán in Ard-Mhúsaem na hÉireann agus Seirbhísí Eispéiris Cuairteoirí, Slándála agus Sláinte agus Sábháilteachta á soláthar.

Seirbhísí do Chuairteoirí

Mar bhall den fhoireann VSO agus é/i ag obair i gcomhar le foirne fáilteachais eile, soláthróidh an sealbhóir poist na seirbhísí seo a leanas:

- Faisnéis agus cúnamh a chur ar fáil don chuairteoir, ionas go ndéanfar eispéireas an chuairteora a shaibhriú ag suíomhanna NMI.
- Pleananna urláir, ábhair oideachais agus ábhair faisnéise eile a dháileadh ar chustaiméirí.
- I gcomhar leis an bhfoireann ghlantacháin spásanna sa ghailearaí a ullmhú don phobal ar cuairt m.sh. ag cinntiú go bhfuil soilse, trealamh TF ag obair.
- Rith maith imeachtaí a chinntiú i gcomhar leis na foirne Coimeádaíochta, Margaíochta, Oideachais agus Tráchtála.
- Fadhbanna cothabhála/glantacháin ar bith a thuairisciú don Oifigeach Saoráidí.
- Dualgais ar bith eile atá oiriúnach don ról.

Seirbhísí Slándála

Mar bhall den fhoireann VSO, soláthróidh an sealbhóir poist na seirbhísí seo a leanas:

- Nósanna imeachta agus cleachtais slándála NMI a oibriú m.sh. ag plé le teagmhais slándála.
- Trealamh slándála a oibriú agus seiceálacha a dhéanamh ar threalamh. Áireofar leis sin obair a dhéanamh i seomraí slándála NMI agus córais TCI agus aláraim a oibriú.
- Maoirseacht ar chonraitheoirí agus ar sholáthraithe seirbhísí.
- Teagmhais a thaifeadadh agus a thuairisciú.
- Fabhtanna i gcórais/trealamh a thaifeadadh agus a thuairisciú don Oifigeach Saoráidí.
- Dualgais ar bith eile atá oiriúnach don ról.

Seirbhísí Sláinte agus Sábháilteachta

Mar bhall den fhoireann VSO, soláthróidh an sealbhóir poist na seirbhísí seo a leanas:

- Nósanna imeachta agus cleachtais sláinte agus sábháilteachta a oibriú.
- Páirt a ghlacadh i gcleachtadh aslonnaithe dóiteáin.
- Bheith ina maoir dóiteáin don ghailearáí.
- Seiceálacha a dhéanamh ar shábháilteacht agus ar threalamh agus iad a thaifeadadh.
- Bheith ina ngarchabhróirí.
- Teagmhais agus fadhbanna a thuairisciú don Oifigeach Saoráidí.
- Bheith ina c(h)uid de fhreagairt éigeandála an Mhúsaeim de réir mar is iomchuí.
- Dualgais ar bith eile atá oiriúnach don ról.

Oibríochtaí

Mar bhall den fhoireann VSO, déanfaidh an sealbhóir poist an méid seo a leanas:

- Cloífidh sé/sí le huainchláir/sceidil
- Clúdach agus tacaíocht a sholáthar do bhaill fhoireann na Seirbhísí do Chuaiteoirí ag suíomhanna NMI eile de réir mar is gá.

Ag cur le NMI a fhorbairt agus le malartú faisnéise

Beidh ionchur ag an sealbhóir poist agus cuirfidh sé/sí le forbairt straitéisí, nósanna imeachta beartais agus cleachtais NMI tríd an méid seo a leanas a dhéanamh:

- Ag freastal ar chruinnithe foirne
- Ag freastal ar imeachtaí forbartha NMI
- Ag comhoibriú le tabhairt isteach teicneolaíochtaí, córas agus nósanna imeachta nua

Oiliúint agus Forbairt

- Ag freastal agus ag glacadh páirt i gcúrsaí oiliúna, mar shampla; Garchabhair, Dífhibrileoirí, seirbhís do chuaiteoirí/chustaiméirí, TFC agus oiliúint eile a mheastar a bheith iomchuí don ról agus d'fhorbairt phearsanta an tsealbhóra poist.

Sonraíocht phearsanta:

Bunriachtanais

- Taithí ar sheirbhísí sármhaithe a chur ar fáil do chustaiméirí agus obair á déanamh le raon éagsúil custaiméirí ag a raibh riachtanais éagsúla. An cumas riachtanais na gcustaiméirí a réamh-mheas agus riachtanais na gcustaiméirí a réiteach.
- Taithí ar sheirbhísí slándála a chur i gcrích, agus ar sheirbhísí sláinte agus sábháilteachta mar phríomhdhualgas ról nó mar ghné de ról.
- An cumas cumarsáid éifeachtach a dhéanamh i mBéarla, labhartha agus scríofa araon, agus an cumas obair a dhéanamh mar bhall foirne.

- Tiomantas don fhorbairt phearsanta; toilteanas oiliúint a dhéanamh agus scileanna nua a ghnóthú.
- Cur chuige solúbtha maidir le hobair.
- Oiriúnach ó thaobh a c(h)arachtair de. Ní mór d'iarrthóirí sonraí beirt mholtóirí ar a laghad a chur ar fáil.
- Go hiomlán inniúil agus ar fáil chun tabhairt faoi na dualgais a bhaineann leis an bpost.
- Deimhniú CETR (Ceadúnas Eorpach Tiomána Ríomhairí) nó a choibhéis i seilbh aige/aici.

Tá na cáilíochtaí seo a leanas inmhianaithe (ach níl siad bunriachtanach)

- Taithí ar chórais slándála agus sábháilteachta nó córais eile bunaithe ar TFC a úsáid.
- Taithí ar sheirbhísí do chuairteoirí a sholáthar san earnáil chultúrtha.
- Líofacht sa Ghaeilge.

Beidh ar dhaoine ar mhian leo a bheith ceaptha don phost seo na hinniúlachtaí seo a leanas a bhaineann leis an bpost mar Oifigeach Cuairteoirí agus Slándála (Leibhéal Oifigigh Chléireachais) a léiriú. Beidh na hinniúlachtaí seo mar bhonn agus taca faoi na hagallaimh leathstruchtúrtha:

Obair Foirne

Bainistiú/Próiseáil Faisnéise

Torthaí a Bhaint Amach

Seirbhís do Chustaiméirí & Scileanna Cumarsáide

Saineolas agus Féinbhorbairt

Dúthracht & Tiomantas do Luachanna na Seirbhíse Poiblí

Soláthraítear sainmhínithe ar gach ceann de na hinniúlachtaí sin in Aguisín 3.

Próiseas Roghnúcháin

Sa chás go bhfaightear líon iarratas a sháraíonn go mór an líon is gá chun na folúntais atá ann cheana agus a mheastar a bheidh ann amach anseo a líonadh thar shaolré an phainéil, féadfaidh Ard-Mhúsaem na hÉireann próiseas gearrliostaithe a chur i bhfeidhm chun líon iarrthóirí a roghnú a dtabharfar cuireadh chun agallaimh dóibh ar bhunús na faisnéise atá ina n-iarratais. Ní hionann sin is a rá go bhfuil iarrthóirí eile mí-oiriúnach nó nach mbeadh sé ar a gcumas an post a chomhlíonadh, ach go bhfuil roinnt iarrthóirí ann ar bhonn an eolais a cuireadh ar fáil, cáilithe níos fearr, agus/nó a bhfuil níos mó taithí ábhartha acu.

Ní aisíocann Ard-Mhúsaem na hÉireann costas taistil chuig agallamh.

Riachtanais Saoránachta

Ní mór d'iarrthóirí incháilithe a bheith ina:

- (a) Saoránach den Limistéar Eorpach Eacnamaíoch. Tá LEE comhdhéanta de Bhallstáit an Aontais Eorpaigh, an Íoslainn, Lichtinstéin agus an Iorua; nó
- (b) ina saoránaigh den Eilvéis de bhun an chomhaontaithe idir AE agus an Eilvéis maidir le saorghluaiseacht daoine; nó
- (c) ina saoránaigh nach saoránaigh LEE iad ach ar céile nó leanbh de chuid saoránach LEE nó na hEilvéise iad agus a bhfuil víosa stampa 4 acu; nó
- (d) Duine ar ar dámhadh cosaint idirnáisiúnta faoin Acht um Chosaint Idirnáisiúnta 2015 nó aon bhall teaghlaigh atá i dteideal fanacht sa Stát mar thoradh ar athaontú teaghlaigh agus a bhfuil víosa stampa 4 aige nó aici; nó
- (e) Duine nach saoránach LEE é/í ar tuismitheoir linbh chleithiúnaigh é/í atá ina shaoránach LEE, agus a chónaíonn i mballstát LEE nó san Eilvéis agus a bhfuil víosa stampa 4 aige nó aici.

Chun bheith incháilithe ní mór d'iarrthóirí ceann de na critéir shaoránachta thuasluaite a chomhlíonadh faoin dáta a ndéantar aon tairiscint poist.

Nóta maidir le saoránaigh RA: Deimhníodh sa chaibidlíocht faoin mBreatimeacht idir AE agus RA a tugadh chun críche le déanaí nach bhfuil aon athrú ar an gComhaontú um Chomhlíonadh Taistil a bhí ann le fada idir RA agus Éire tar éis an Bhreatimeachta. Dá réir sin, tá saoránaigh RA fós i dteideal oibriú agus cónaí in Éirinn gan srian agus, dá bhrí sin, tá siad i dteideal iarratas a dhéanamh chun dul san iomaíocht sa chomórtas seo má chomhlíonann siad na critéir cháilitheachta eile go léir. Tá tuilleadh faisnéise maidir leis an gComhlíonadh Taistil ar fáil [anseo](#).

Scéim Dreasaithe um Luathscor (ISER):

Tá sé mar choinníoll den Scéim Dreasachta um Luathscor (ISER) mar atá leagtha amach i gCiorclán 12/09 na Roinne Airgeadais go bhfuil cosc ar dhaoine atá ar scor, faoin Scéim, iarratas a dhéanamh ar phost eile san fhostaíocht chéanna nó san earnáil chéanna. Mar sin, ní fhéadfaidh a leithéid de dhaoine a chuaigh ar scor cur isteach ar an bpost seo.

Ciorclán na Roinne Sláinte agus Leanai (7/2010):

Thug Ciorclán na Roinne Sláinte 7/2010 dar dáta an 1 Samhain 2010 isteach Scéim Spriocdhírthe um Luathscor Deonach (VER) agus Scéimeanna Iomarcaíochta Deonai (VRS). Is coinníoll den scéim VER é nach mbeidh daoine a bhaineann leas as an scéim i dteideal a bheith athfhostaithe san earnáil sláinte poiblí nó sa tSeirbhís Phoiblí níos leithne nó i gcomhlacht atá maoinithe go hiomlán nó go príomha ó chistí poiblí. Tá feidhm ag an toirmeasc céanna ar athfhostú faoin VRS,

ach amháin go bhfuil an toirmeasc ar feadh tréimhse 7 mbliana i gceist, agus ina dhiaidh sin beidh gá le ceadú an Aire Caiteachais Phoiblí agus Athchóirithe a fháil d'aon athfhostú. Níl daoine a bhain leas as ceachtar den dá scéim sin i dteideal dul san iomaíocht sa chomórtas seo.

Comhaontú Comhchoiteann: Íocaíochtaí Iomarcaíochta le Seirbhísigh Phoiblí:

Thug litir na Roinne Caiteachais Phoiblí agus Athchóirithe dar dáta an 28 Meitheamh 2012 chuig Oifig Pearsanra isteach, le héifeacht ón 1 Meitheamh 2012, Comhaontú Comhchoiteann ar thángthas air idir an Roinn Caiteachais Phoiblí agus Athchóirithe agus Coiste Seirbhísí Phoiblí Chomhdháil na gCeardchumann (ICTU) maidir le hÍocaíochtaí Iomarcaíochta ex-gratia le Seirbhísigh Phoiblí go mbeidh sé mar choinníoll den Chomhaontú Comhchoiteann nach mbeidh daoine a bhaineann leas as an gcomhaontú sin incháilithe lena n-athfhostú sa tseirbhís phoiblí ag aon chomhlacht seirbhíse poiblí (mar atá sainmhínithe sna hAchtanna um Bearta Airgeadais Éigeandála ar Mhaithe le Leas an Phobail 2009 – 2011) ar feadh tréimhse 2 bhliana ó fhoirceannadh na fostaíochta. Ina dhiaidh sin beidh toiliú an Aire Caiteachais Phoiblí agus Athchóirithe ag teastáil roimh aon athfhostú. Beidh ar dhaoine a bhain leas as an scéim sin agus a d'fhéadfadh an rath a bheith orthu sa chomórtas seo a n-incháilitheacht a chruthú (deireadh na tréimhse neamh-incháilitheachta) agus ní mór toiliú an Aire a fháil sula bhfostaítear iad in aon chomhlacht seirbhíse poiblí.

Dearbhú: Ceanglófar ar iarrthóirí a dhearbhu ar bhain siad leas as scéim dreasachta luathscoir na seirbhíse poiblí roimhe sin nó nár bhain. Ceanglófar ar iarrthóirí freisin aon teidlíochtaí atá acu i leith sochar pinsin seirbhíse poiblí (in íocaíocht nó caomhnaithe) ó aon fhostaíocht seirbhíse poiblí eile a dhearbhu agus/nó i gcás ina bhfuil íocaíocht in ionad faighte acu i leith seirbhíse in aon fhostaíocht sa tseirbhís phoiblí.

TREORACHA AN IARRATAIS

Cuirtear iarratais isteach ar an gcuid folúntas de **shuíomh gréasáin Ard-Mhúsaem na hÉireann**:
<https://www.museum.ie/en-IE/About/Careers/Vacancies>

Is gá d'iarrthóirí an fhoirm iarratais chomhlánaithe, CV cothrom le dáta, agus litir chumhdaigh a chur isteach. **Iarraimid ar iarrthóirí go gcuirtear na trí cháipéis ar fad le chéile agus iad a chur isteach ar PDF aonair amháin.**

Ní mór an fhoirm iarratais a líonadh isteach go hiomlán agus í a chur isteach i gclóscríbhinn. Ní ghlacfar le hiarratais lámhscríofa agus iarratais atá san fhormáid mhícheart. Mura ndéanann tú amhlaidh, beidh an t-iarratas neamhiomlán, agus ní bhreithneofar é.

Chun tús a chur leis an bpróiseas iarratais, tabhair cuairt ar ár leathanach Folúntais.

Céimeanna le clárú:

- Téigh go dtí an leathanach Folúntais agus roghnaigh an post atá tú ag iarraidh cur isteach air.
- Léigh an Leabhrán Eolais le haghaidh sonraí iomlána maidir leis an bpost.
- Tá na cáipéisí atá ag teastáil le haghaidh d'iarratais le feiceáil ar an leathanach sin mar naisc.
- Cliceáil gach cáipéis, agus osclóidh sé i bhfuinneog nua. Déan gach cáipéis a íoslódáil/shábháil ar do ríomhaire/ghléas.
- Líon amach na cáipéisí atá ag teastáil agus cuir le chéile iad i **PDF aonair amháin** mar aon le do CV agus litir chumhdaigh.
- Nuair atá sé sin críochnaithe, téigh ar ais go dtí suíomh gréasáin NMI chun an próiseas iarratais a chur i gcrích.
- Arís, ón leathanach [Folúntais](#), aimsigh an post atá tú ag iarraidh cur isteach air.
- Cliceáil an cnaipe **Cuir Isteach Air Anois**.
- Cuir an fhoirm i gcrích.
- Déan do PDF comhcheangailte aonair a uaslódáil.
- Déan an tseiceáil Captcha a chríochnú agus cliceáil **Cuir Isteach d'Iarratas**.

Cuir **seoladh ríomhphoist bailí a dhéantar monatóireacht air** ar fáil. Úsáidfear an ríomhphost mar admháil ar d'iarratas agus mar phríomhbhealach teagmhála chun teagmháil a dhéanamh le hiarrthóirí.

Spriocdháta le haghaidh Iarratas

**Ní mór iarratais a fháil tráth nach déanaí ná 17:00
Dé hAoine, 24 Deireadh Fómhair 2025**

Ní ghlacfar le foirmeacha iarratais déanacha. Cloífear leis an dáta agus an t-am go dian, agus dá bhrí sin, tá an fhreagracht ar an iarrthóir a chinntiú go bhfaightear an t-iarratas roimh an spriocdháta. **Beidh dícháiliú iarrthóirí mar thoradh ar chanbhasáil.**

Príomh-choinníollacha seirbhíse don Oifigeach Cléireachais

Pá:

Seo a leanas an scála tuarastail don phost seo: Scála RPP d’Oifigeach Cléireachais (Comhaontú Seirbhíse Poiblí 2024-2026 – Méadú 1% - 1 Lúnasa 2025):

€596.11	€629.46	€637.94	€654.47	€678.87	€703.22	€727.55	€745.29
1	2	3	4	5	6	7	8
€765.40	€788.74	€805.15	€828.27	€851.22	€887.05	€915.19	€928.12
9	10	11	12	13	14 NMAX	15 *LSI(1)	16**LSI(2)

Faoi réir feidhmíocht shásúil, d’fhéadfadh sé go mbeadh incrimintí iníoctha de réir Bheartas reatha an Rialtais.

* Tar éis 3 bliana de sheirbhís shásúil ar phá uasta

**Tar éis 6 bliana de sheirbhís shásúil ar phá uasta

Tuarastal Tosaigh

Tosóidh an té a cheapfar ar íosmhéid an scála - **€596.11** in aghaidh na seachtaine, an chéad phointe ar Scála RPP d’Oifigeach Cléireachais, (Comhaontú Seirbhíse Poiblí 2024-2026 – Méadú 1% - 1 Lúnasa 2025). Féadfar an ráta luach saothair a choigeartú ó am go chéile de réir bheartas pá an Rialtais.

Fad na Fostaíochta

Ceapachán promhaidh a bheidh ann ar feadh bliana. Má chríochnaítear an tréimhse promhaidh go rathúil tairgfear conradh tréimhse éiginnte don té sin. Féadfaidh ceachtar taobh an ceapachán a fhoirceannadh tráth ar bith de réir na nAchtanna um Fhógra Íosta agus Téarmaí Fostaíochta, 1973 agus 1991.

Saoire bhliantúil

Beidh **24** lá oibre ann mar shaoire bhliantúil sa bhliain agus méadófar é sin go 25 lá in aghaidh na bliana tar éis 5 bliana de sheirbhís chríochnaithe agus go 26 lá in aghaidh na bliana tar éis 10 mbliana seirbhíse. Tá an tsaoire seo bunaithe ar sheachtain cúig lá agus ní áirítear léi na gnáthlaethanta saoire poiblí.

Uaireanta Tinrimh

Socrófar uaireanta tinrimh ó am go chéile de réir comhaontuithe lárnacha ach ní bheidh siad níos lú ná 43.25 uair an chloig comhlán in aghaidh na seachtaine (35 ghlanuair an chloig in aghaidh na seachtaine). Eagraítear tinreamh ar bhonn cúig (5) lá thar seacht (7) lá.

Aontóidh tú chun comhoibriú d’fhonn cuidiú le NMI taifead cruinn a choinneáil ar do chuid uaireanta oibre ar mhaithe le *hAlt 25 d’Acht um Eagrú Ama Oibre, 1997*.

Dualgais

Beidh ort aon dualgais a d’fhéadfaí a shannadh duit ó am go ham a chomhlíonadh de réir mar is cuí don phost. Beidh an post ina phost lánaimseartha agus ní bheidh baint agat le haon ghnó

seachtrach a chuirfeadh isteach ar chomhlíonadh dualgas oifigiúil. Aontaíonn tú chun tabhairt faoi na dualgais a ghabhann leis an bpost agus chun glacadh leis na coinníollacha faoina gcomhlíontar na dualgais, nó faoina bhféadfadh sé a bheith riachtanach iad a chomhlíonadh.

Éide

Ní mór d'Oifigigh Cuairteoirí agus Slándála (VSONna) éide oifigiúil a chaitheamh, rud a sholáthrófar.

Ginearálta

Tá an ceapachán faoi réir Achtanna Rialaithe na Státseirbhíse, 1956 go 1996, an tAcht um Bainistíocht na Seirbhíse Poiblí (Earcaíocht agus Ceapacháin) 2004 agus aon Acht eile atá i bhfeidhm faoi láthair a bhaineann leis an státseirbhís. Beidh an té a cheapfar faoi réir bheartais an Ard-Mhúsaem maidir leis an gCód Caighdeán agus Iompair.

Aoisliúntas agus Scor

Déanfar na téarmaí agus coinníollacha aoisliúntais cuí mar atá in Ard-Mhúsaem na hÉireann a thairiscint don iarrthóir rathúil nuair a thairgfear an ceapachán. Go ginearálta, agus seachas i gcás iarrthóirí a d'oibrigh i bpost seirbhíse poiblí inphinsin (nár bhain téarmaí na scéime aonair leis) sna 26 seachtainí roimh an gceapachán (féach alt d thíos), ciallaíonn sé sin go ndéanfar ceapachán a thairiscint dóibh bunaithe ar bhallraíocht den Scéim Pinsean Aonair na Seirbhíse Poiblí ("An Scéim Aonair"). Is iad seo a leanas na príomhfhorálacha a bhaineann le ballraíocht na Scéime Aonair:

a. Aois Inphinsin

Is í an aois íosta dá bhfuil pinsean iníoctha ná 66 (ag éirí go 67 agus 68) ag teacht le hathruithe ar aois an Phinsin Stáit.

b. Aois Scoir:

Ní mór do chomhaltaí na scéime dul ar scor nuair a bheidh siad 70 bliain d'aois.

c. Laghdú Pinsin

- Más rud é go raibh an té a cheapfar fostaithe sa Státseirbhís roimhe seo agus go bhfuil sé/sí ag fáil pinsin ón Státseirbhís beidh feidhm ag gnáthrialacha faoi laghduithe. Mar sin féin, má bhí an té a cheapfar fostaithe sa Státseirbhís roimhe sin agus más rud é gur bronnadh pinsean air/uirthi faoi shocruithe luathscoir deonacha (seachas faoin Scéim Dreasachta Luathscoir (ISER) nó Ciorclán na Roinne Sláinte 7/2010 VER/VRS, a fhágann, mar a léirítear thuas, nach bhfuil duine incháilithe don chomórtas) cuirfear deireadh leis an teidlíocht don phinsean sin le héifeacht ó dháta an athcheaptha. Déanfar socruithe speisialta, áfach, chun seirbhís roimhe sin a thug an té a cheapfar a ríomh chun críche aon dámhachtain aoisliúntais amach anseo a bhféadfadh an té a cheapfar a bheith incháilithe ina leith.
- Má bhí an té a cheapfar fostaithe roimhe seo sa Státseirbhís nó sa tSeirbhís Phoiblí tabhair faoi deara go bhfuil foráil san Acht um Pinsin na Seirbhíse Poiblí (Scéim Aonair agus Forálacha Eile), 2012 lena leathnaítear laghdú pinsin do gach Státseirbhíseach agus Seirbhíseach Poiblí atá athfhostaithe sa chás go bhfuil pinsean Seirbhíse Poiblí á íoc. Tháinig an fhoráil seo chun laghdú a chur i bhfeidhm ar fud na seirbhíse poiblí níos leithne i bhfeidhm an 1 Samhain 2012. **D'fhéadfadh impleachtaí pinsin a bheith aige seo d'aon**

duine a cheapfar sa phost seo atá ag fáil pinsean Státseirbhíse nó Seirbhíse Poiblí faoi láthair nó a bhfuil pinsean iarchurtha Sibhialta nó Seirbhíse Poiblí acu a bheidh iníoctha le linn a bhfostaíocht sa phost seo.

- **Ciorclán 102/2007 de chuid na Roinne Oideachais agus Scileanna faoin Scéim Luathscóir do Mhúinteoirí**

Thug an Roinn Oideachais agus Scileanna isteach Scéim Luathscóir do Mhúinteoirí. Is coinníoll den Scéim Luathscóir é, seachas na cásanna atá leagtha amach in Alt 10.2 agus in Alt 10.3 de cháipéisíocht ábhartha an chiorcláin, agus leis na heisceachtaí sin amháin, má ghlacann múinteoir le luathscóir faoi **Shnáitheanna 1, 2 nó 3** den scéim seo agus go bhfuil sé/sí fostaíthe ina dhiaidh sin in aon chail in aon chuid den earnáil phoiblí, **scorfar láithreach** d'íocaíocht pinsin leis an duine sin faoin scéim. Atosófar íocaíochtaí pinsin, áfach, ar scor den fhostaíocht sin nó ar 60ú breithlá an duine sin, cibé acu is déanaí, ach ar atosú, beidh an pinsean bunaithe ar sheirbhís ináirithe iarbhír an duine mar mhúinteoir (is é sin, ní chuirfear na blianta breise a tugadh roimhe sin san áireamh agus íocaíocht an phinsin á ríomh).

- **Dul ar Scor de thoradh Drochshláinte.** Tabhair do d'aire sa chás go bhfuil duine scortha ó chomhlacht Státseirbhíse/Seirbhíse Poiblí ar fhorais drochshláinte go bhféadfadh a p(h)insean ón bhfostaíocht sin a bheith faoi réir athbhreithnithe de réir na rialacha um scor de bharr drochshláinte laistigh de scéim phinsin na fostaíochta sin.

d. Seirbhísigh Phoiblí Roimhe Seo

Cé gurb é ballraíocht sa Scéim Aonair atá sna téarmaí réamhshocraithe pinsin atá leagtha amach sna hait roimhe seo, b'fhéidir nach mbeidh sé seo i gceist i gcás daoine áirithe a cheapfar. Tugtar sonraí iomlána na gcoinníollacha a rialaíonn cibé acu an bhfuil nó nach bhfuil seirbhíseach poiblí ina bhall den Scéim Aonair san Acht um Pinsin na Seirbhíse Poiblí (Scéim Aonair agus Forálacha eile), 2012. Mar sin féin is í an phríomheisceacht (i gcomhthéacs an chomórtais seo agus go ginearálta) ná maidir le **hiarrthóir rathúil a d'oibrigh i gcáil inphinsin (nach raibh faoi théarmaí na scéime aonair) sa tseirbhís phoiblí laistigh de 26 seachtain ón am ar ghlac an t-iarrthóir leis an gceapachán, nach mbeadh an té sin ina bhall den Scéim Aonair de ghnáth.** Sa chás sin thairgfí ballraíocht sa scéim pinsin do státseirbhísigh neamhbhunaithe ("Scéim Fostaithe Stáit Neamhbhunaithe") d'iarrthóir dá leithéid. Chiallóidh sé seo go mbeadh feidhm ag na forálacha laghdaithe ag (c) thuas, agus ina theannta sin bheadh impleachtaí ann maidir le fabhrú pinsin mar atá leagtha amach thíos:

e. Fabhrú Pinsin

Bheadh teorainn 40 bliain i bhfeidhm maidir leis an tseirbhís iomlán ar féidir a áireamh i leith pinsin i gcás go raibh duine ina bhall de níos mó ná scéim pinsin seirbhíse poiblí amháin. Tháinig an teorainn 40 bliain seo, dá bhforáiltear san Acht um Pinsin na Seirbhíse Poiblí (Scéim Aonair agus Forálacha eile), 2012 i bhfeidhm ar an 28 Iúil 2012. **D'fhéadfadh impleachtaí a bheith aige seo d'aon duine a cheapfar a thuill cearta pinsin i bhfostaíocht seirbhíse poiblí roimhe seo.**

f. Asbhaint a Bhaineann le Pinsean

Tá an ceapachán seo faoi réir na hasbhainte a bhaineann le pinsin de réir an Achta um Bearta Airgeadais Éigeandála ar mhaithe le Leas an Phobail 2009. Le haghaidh tuilleadh faisnéise faoi Scéim Pinsean Aonair na Seirbhíse Poiblí do Sheirbhísigh Phoiblí, féach ar an suíomh Gréasáin seo a leanas: <http://www.per.gov.ie/pensions>

Saoire bhreiteachta

Féadfar pá iomlán a cheadú nuair a bhíonn duine as láthair de bharr breiteachta ach é sin a bheith deimhnithe i gceart, ar choinníoll nach bhfuil aon fhianaise ann faoi mhíchumas buan maidir le seirbhís, agus is féidir é a cheadú suas go dtí 92 lá ar a mhéad in aon bhliain amháin agus ar leathphá ina dhiaidh sin, faoi réir 183 lá saoire bhreiteachta ar a mhéad a bheith ann in aon tréimhse ceithre bliana nó níos lú.

Ceanglófar ar an té a cheapfar sainordú a shíniú ag údarú don Roinn Coimirce Sóisialaí aon sochair atá dlite faoi na hAchtanna Leasa Shóisialaigh a íoc go díreach le hArd-Mhúsaem na hÉireann agus beidh íocaíocht le linn breiteachta faoi réir ag an oifigeach na héilimh riachtanacha a dhéanamh ar shochar árachais shóisialaigh chuig an Roinn Coimirce Sóisialaí laistigh de na teorainneacha riachtanacha ama.

Rúndacht oifigiúil agus sláine

Beidh an té a cheapfar faoi réir fhorálacha an Achta um Rúin Oifigiúla 1963, arna leasú leis an Acht um Shaoráil Faisnéise 1997. Aontóidh an té a cheapfar gan aon fhaisnéis rúnda a nochtadh do thríú páirtithe go háirithe faisnéis a bhfuil acmhainneacht tráchtála ag baint léi, le linn na tréimhse fostaíochta nó ina diaidh.

Réamhcheadú maidir le foilsíú

Aontóidh an té a cheapfar gan ábhar a bhaineann le dualgais oifigiúla a fhoilsíú gan chead a fháil roimh ré ó Stiúrthóir Ard-Mhúsaem na hÉireann.

Gníomhaíocht pholaitiúil

Le linn an téarma fostaíochta, beidh an té a cheapfar faoi réir na rialacha a rialaíonn státseirbhísigh agus polaitíocht.

Tuilleadh sonraí

Tá forálacha mionsonraithe maidir le téarmaí agus coinníollacha éagsúla eile, amhail catagóirí saoire (lena n-áirítear saoire mháithreachais, uchtála agus sláinte agus sábháilteachta), a bhféadfadh cuid acu nó gach ceann díobh a bheith ábhartha don duine a cheapfar, leagtha amach i gclár atá ar fáil ar www.personnelcode.gov.ie.

Is mar threoir amháin atá sé seo ceaptha. Eiseofar téarmaí agus coinníollacha iomlána mar chuid den chonradh fostaíochta.